

27.05.2010

Kommuneqarfik Sermersooq
Att.: Aningasaqarnermut Ataatsimiititaliaq
Postboks 1005
Adresse2
3900 Nuuk

2009-mi ukiumoortumik naatsorsuutit

2010-mi januaarip qaammataani isumaqatigiissutaavoq iliuusissatut pilersaarusiortoqassasoq, taamaaliornikkut qulakkeerniarlugu kommunep 2009-mi naatsorsuutaasa eqqortumik takutitsinissaat, taamaluamma qulakkeerniarneqarluni sulinermi periutsit siunertamut tulluartut pilersinneqarnissaat.

Suliaq pingarnerusutigut ingerlareersimalerpoq kinguaattoorsimavorli 2009-mi naatsorsuutit tigunisaasa tungaanut taamalu taakkuninnga itisiliineq aallartimmat.

Ukiumoortumik naatsorsuutit kommunalbestyrelsimit saqqummiunneqarsimasut 23 mio. kr.-inillu amigartooruteqarsimanermik takutitsisut taamaallaat tassaapput ingerlatsinermi naatsorsuutit. Ukiuumoortumik naatsorsuutit oqimaaqatigiissitsinertaqanngillat.

Taamaattumik ukiumoortumik naatsorsuutit tamakkiisuunngillat maluginiaraannilu oqimaaqatigiissitsineq pingarnerusutigut maannakkut nikinganersiorneqarsimanngitsoq qulakkeerlugu oqaatigineqarsinnaanngilaq angusat kommunalbestyrelsimit saqqummiunneqarsimasut eqqortumik takutitsinersut.

Ukiumoortumik naatsorsuutivinnik suliaqartoqarsimanngilaq taamaallaalli suliarineqarsimallutik naatsorsuuserinermi oqimaaqatigiissitsinerit naatsorsuutinut tunngasunik oqaaseqaatinik ilasat (taamaallaat 2009 ingerlatsinermut tunngasut).

Ulluinnarni pisortaasunut inassutigisimavarput Kommuneqarfik Sermersuup ukiumoortumik naatsorsuutivissaanik suliaqartoqarnissaa, taakkununnga ilaassallutik soorlu kommunep piffissami ingerla-

reersumi suliarisimasaasa allaaserineqarsimanagerat, naatsorsuusioriaatsip atorneqartup allaaserineqarne-ra kiisalu angusatut takutinnejartut oqimaaqtigiiissitsinerullu inernerisa nassuaataattut ilanggussat.

Tamatut naatsorsuusiorikkut kommunep aningaasaqarnikkut nukissanillu atuinermigut qanoq ine-riartortsinera takujuminarnerulersussaavoq , communalbestyrelsimit innuttaasunullu ataasiakkaanut nuannaarutaanngitsoortussaanngitsumik.

Aammattaaq inassutigisimavarput nalunaarusiami sukumiisumik allaaserineqassasut naatsorsuutini nalorninartorsiutaasinnaasut – pingarnerusutigut nalornissutaasinnaasut innuttaasut akiligassaannut tunngasut kiisalu 2009-p 2010-llu akornanni aningaasartuutasimasut piffissalersugaanerannut tunngasut.

Tamatuma kingunerisaanik pisariaqarsimavoq suliami piffissalersuinerup iliusissatullu pilersaarutip naliliiffeqqinnissaa, taamaaliornikkut aallaqqataaniilli 2009-mi ukiumoortumik naatsorsuutinut nukissat tamaasa atorneqarsinnaaqqullugit taamalu piffissaliunnejartup iluani naatsorsuutit eqqortumik takutitsisut saqqummiunneqarsinnaaqqullugit.

Suliap tassunga tunngasortaani sulinermi periutsinut assigisaannullu tunngasut kommunemi ulluinnarni pisortat isumaqatigalugit kinguartikkallarneqarsimapput 2010-p aasaanut/ukiaanut, kisianni soorunami suliassat nukingernartut/ataavartut pisariaqavissuusut ilangunneqassallutik, ilaatigut aningaase-rivimmiiitat akissarsiallu naatsorsuusiornerini allannguutinut tunngasut.

Unamminartut pingarnerit tassaapput ukiumoortumik naatsorsuutit sularineqarnerannut tunngasut makkuusut:

- **Aningaaserivinniititanik nikinganersiuinerit:** Kommunemi sulisut qaammatini kingullerni amerlasuuni aningaaserivinni kontit nikinganersioriartalaruarssimavaat tamatumanilu anguniagartik nammassisvinnaasimanagu. Suli kisitsisitigut pingarutilinnik ammaannartunik nalunaarsuisimanernik peqarpoq, massakuugallartoq kommunemi sulisunit naatsorsuuserinermi inissinneqarsinnaasimanngitsunik.
- **Akissarsiat:** Manna tikillugu akissarsianik akissarsianullu attuumassutilinnik nikinganersiuineq pisinnaasimanngilaq. Tamatumunnga pissutaavoq ukiup ingerlanerani illup iluani nakkutilliissutinik nikinganersiuinernillu amigaateqartoqarsimanera aammalu pissutaasunut ilaalluni akissarsialerinerup aaqqissuussaanerata aningaasaqarnikkut naatsorsuuserinermut tulluuarsagaasimannginnera.
- **Oqimaaqtigiiissitsinermut tunngasut allat:** Oqimaaqtigiiissitsinermi kontinik kukkunersiuinerput aallartippalput, kontinili arlaqartuni atortussat piumasarisagut pissariarisimanatigit, naak martsip naaneranili atortussanut najoqqutassiaq tunniutereersimaluarlutigu nassuiarsimallugulu, siunnerfigalugutigu maajip naanerani tigoreersimanissa. Massakuugallartoq paasisavut malillugit nalunaarsorneqarsimasut

allattorneqarsimaffiisa aningaasaqarnikkullu naatsorsuusiornerup akornanni kontit arlaqartut innarluuteqarput kiisalu paasineqarsimalluni akiligassaqarfinnut nalunaarsuinerit akiligassatut uppernarsaatinut naleqqiullugit nikingassuteqartut. Aammattaaq kontit arlaqartut maannakkuugallartoq sunik imaqarneri naluvaput.

Piginnaaneqarfiiit

Ulluinnarni pisortaasunut nalunaarutigisimavarput naliliinerput naapertorlugu pisariaqartoq naatsorsuutinut pisortamik kiisalu akissarsialerinermut pisortamik atorfinititsinissaq. Taakkunatigut ataatsimoorussamik pisinnaasat massakkuugallartoq pissutsit eqqarsaatigalugit naammannigillat nukissallu taakku pisariaqarput aningaasaqarnermik aqutsineq ataavartoq illersorsinnaassuseqartorlu tunngavissiorneqassappat.

Ukiumoortumik naatsorsuusiornermi ikorsiissuteqarneq kukkunersiuinerlu

Piffissami aggersumi kommune sapinngisarput tamakkerlugu ikorserniassavarput, taamaaliornikkut peqatigiilluta ukiumoortumik naatsorsuutit sapinngisamik eqqortumik nakutitsisut tunniussinnaajumallutigit.

Inussiarnersumik inuulluaqqusilluta

Peter A. Wistoft
statsautoriseret revisor

Per Jansen
statsautoriseret revisor

c.c.: Pisortaanerugallartoq Stine Johansen